

雪磯叢彙自序

僕非能詩者而亦好作詩蚤遊諸老之門或謂可與言詩比歲渝江羅季海西湖胡雪江間亦採而刊之然傳錄失真甚則雜以他人之作以魚目而混驪珠僕得盜名之譏矣其可乎前歲歸自京師繼罹憂患蓋不復言詩也嘗得李抑抄書必欲為之刻梓即嘗謝之繼而友人朱嗣賢何克卿捐泉布梓又有請為辭之再四而請益堅余詩本無可傳而諸賢之軫念者如此僕不得辭矣切念蚤歲雕鏤纂組溺志詞章既而悔之方將鞭僻

近裏以進聖賢之學其敢以詩傳哉古今言詩莫尚於
老杜嘗有詩曰文章一小技於道為未尊僕果能詩猶
犯老杜之戒况不能詩乎知道者當亮僕之心而有以
教之可也時寶祐丁亥翔樂雷發書

雪磯叢臺卷之一

歌行

九疑紫霞洞歌

春陵樂雷發聲遠

猗與竒哉紫霞之洞真天開千變萬狀不可述恍疑幻
出壺中之蓬萊湘濱兩妹不敢到悵望蒼梧雲縹緲爾
來三千三百年斑龍空卧金光草我採姹女江華濱是
為三十六帝之外臣右持綠玉杖左攜紫金經長歌天
上謠一呼開仙扃列炬照深窈懸身事幽討羣仙喜我

來驚笑欲絕倒何侯撫我頂偉遠拍我肩綠華贈我金
條脫明期分我紅景丹借問此何地指言太虛天翠霞
紫雲張寶帳懸黎結綠盤瓔珞萬疊蒼苔荒石田誰呼
青龍耕紫煙虎嶽銅牆未徧識擬開寶藏緜細雲帙差栽
水際披蓑翁應是錢鏐釣神龍仙人仙人何多事驚世
駭俗變靈異或跣距足垂天雲或印短趾流沙濤或見
姑射處子身粉霞紅綬藕絲帚或示普陀大士形或持
簪柳垂寶瓔或插鏤象管或結火齊珍或琢元圃玉或
布祗園金洞中之深不知幾百里但見縈紆屈折一里

川頭絕江川北瞻神州李綱政要講車戰南渡勲業應
可收涇水黃鐵山碎雙輪快轡幽燕地朗誦先王疑是
復古篇他時此筆猶難繼

壺中天歌贈侯明文

蓋頭即可居容膝即可安連雲大廈千萬間何如壺中
宇宙寬壺中何所有筆牀茶竈葫蘆酒壺中何所為目
送飛鴻揮胡絲總前祝融老僧行壁上九疑狂客詩壺
中主人知為誰疑是棗仙伯雪鶴姿左攬元微袂咲
移砥柱弄河水右拍長房肩飽食麟脯傾玉松疑蓬萊

山在何處勸君且占壺中住不曾上列金馬門也應不
識崖州路探禹穴浮沅湘脚下塵土鬢上霜我到壺中
如故鄉

謝楊孟溪縣丞惠以章墨

白首侯芭蜀江邊曾向君家傳太元射熊草賦留殘墨
相應當日還渠得飄零蕭灑幾世孫解得膠法春元雲
物理往來元莫測後世子雲還舊壁君家所有更贈君
君還贈我何慙慙感君慙慙復三歎努力西牕磨鐵硯
太元艱深吾不為願寫誠齋易傳探元機

諸葛方能走仲達非孔子兮孰却萊夷噫敬烏烏兮使
我不怡莫讀書成書癡

寄雪蓬姚使君

贈君昆吾湛盧之寶劍青雀黃龍之巨航懸黎垂棘之
美玉都梁篤耨之名香佳人佳人在何處濯足洞庭望
八荒揭車駢駢薜芷綠欲往從之道阻長倚寶劍兮翼
軫膠巨航兮沅湘玉以彰君子禦身之德香以表騷人
流世之芳我所思兮隔秋水天吳翕忽蛟螭翔佳人佳
人蹇誰與愛而不見心盡傷

胡料院出示車攻圖仍索理作

九壤卧龍呼不起乾乳談兵空滿耳書生未識玉帳經
且抱此圖究終始姬家出平詠嬴家小戎詩衛家武剋
扞突騎馬家偏廂是羗夷只今車陣無人識天狗橫空
曬腥血人以鞍馬為家誰遇奔衝辰奇策豫章先生
今孔明冑中森羅萬甲兵天衢地軸妙絕識內陣外陣
何縱橫千枝綠沉列虺虎萬臂黃間張白羽人言險野
難用車公獨規模掩前古車攻圖車攻說八采省前魯
進徹世人苦謗陳濤斜却向齊門空鼓瑟今朝朱川富

一澗水人言有路通桂林乘興欲尋日華君吾聞洞中
大小洞天三十六帝遣列真分治局上界官府應更多
定知此洞今誰屬猗與奇哉紫霞之洞真天開我上會
稽探禹穴復浮滄海登天台巖谷豈無奇脉此何塵埃
埃摩抄崖石題惡句記我杖屨馱雲來黃涪翁元漫史
目力一生空宇宙澹巖陽華有何奇枉費篇章劖石竇

烏鳥歌

莫讀書莫讀書惠施五車今何如請君為我焚却離騷
賦我亦為君擘碎太極圖竭來相就飲斗酒聽我仰天

呼烏烏深衣大帶講唐虞不如長纓繫單于吮毫搗管
賦子虛不如快鞭擗的盧君不見前年賊兵破巴渝今
年賊兵屠城都風塵瀕洞兮豺虎塞途殺人如麻兮流
血成湖眉山書院嘶哨馬浣花草堂巢妖狐何人笞中
行何人縛可汗何人丸泥封函谷何人三箭定天山大
寇若箕兮高劍挂頤朝談回軻兮夕講瀛伊綬若若兮
印纍纍九州博大兮君今何之有金須碎作僕姑有鐵
須鑄作蕪藜我當贈君以湛盧青萍之劍君當報我以
太乙白鵲之旗奸殺賊奴取金印何用區區章句為死

佳人兩章寄許東溪

衡之山鬱蒼蒼我有佳人在山之陽木難為佩兮雲錦
為裳愛而不見兮我心憂傷安得為鷗鵬凌風置君傍
衡之山鬱蒼蒼衡之江清且漪我有佳人在江之湄朝
食蒟藿兮夕饌江蘼欲往從之兮我馬虺隤安得為琴
高沿波與君隨衡之江清且漪

古體

登謙溪太極樓

岑樓跨層崖灌木翳頽治曠哉宇宙心况茲展遐眺前

哲日以遠川麓被文藻芳甸馥荃蘅枉渚雜鳧鳥亭亭
沼中蓮冉冉庭下草扣寂參太極撫化頌衆妙俗薄神
理乖力柔聖途香英英考亭翁反心會天奧萬里繫良
言一誠貫元造勗哉登樓人畢景盡此道深根復深根
篤行以為寶

送程營道官滿赴闕

高旻振爽籟蒼鴈鳴芳洲傾城饒茂宰御堇羅藻舟茂
宰蘊淵道厥源溯伊流宇屹振仁策範俗博聖猷夷心
灼理要政簡吏統周芳風被儒肆惠術淪農疇魯封有

馴翟張廷無訟牛慨茲戒徂兩離哀鬱綢繆贈我茂叔
蓮紉君晏子裘慶霄睽鳳躍神囿瞻麟遊世道日以隘
民瘼誰克瘳厲志抗遐棄吹萬溥九州揆余忝皇鑒敷
文免征愁行行重行行夷庚無駐舟

次韻李監丞月夕閣雨

種桂早欲檣蕪藜秋向榮哲匠軫民瘵慨此夜鬼明蓐
收正秋斂肥遺何縱橫仰霄睽蟾曜聆埳佇鶴鳴彼美
玩華光芳樽酌所生崇榭敞窈窕秀質羅輜幘節序孰
不歡宅生念匪輕同胞正焦燈對酒何忍傾恤喜限悒

智同茲感陰晴淦淦山雲起策策林飈驚企彼天瓢潤
弭此農耨聲崇情發翰墨賞心謝籌觥溥澤乃夙念穹
爵豈所營榮賤有異分感茲反巖耕

次韻李監丞城西紀游

叫舜問寥澗詠濂滌塵躡駕言城西游慨彼徃哲遙儀
鳳不可呼駕鸞浴清瀟懷或光風香蕙若吹涼飈蒼梧
隴雲愁廬阜太古彫豈無人布周亦有文規姚佔畢末
學陋俗薄神理銷沿流浮伊洛沂源窺羲堯執中與太
極萬古瞻魁杓察微篤強力賢聖諫匪遠舜官翳灌木

濂塾棲叢苕觀乎紀游作悟彼進學條蘭卮娛才考豈
謂磊砢澆得深清賞愜理勝英藻超揆予果何為農野
勤耕穡景迫昧見道曷奉德化昭

次韻李監丞同劉玉淵游七泉

世變如流水前哲嗟逝川良牧隆化本訪古漫叟泉念
茲名泉意感彼末路偏澗竇與嵌臼杖屨聊回旋不識
漫叟心曷誦漫叟篇惻念軫蒼氓溥澤同一天蟻聚與
羔跪命義當亦堅回邪乃敗德毋以已欲專夸士五鼎
辱穹爵或自鐫臨流歎澆風薄言傾酒船浸泉旌我志

凍泉存舊傳，漣漣汙道銘。石昭萬年無，固感發人點。
彼敵墨氈，歲月亦云久。古迹埋塵煙，泉根石已泐。泉上
樹欲仙，森戟呵虎士。誰能聽潺湲，理義著古今。貴賤俱
荒阡，今公七泉游。陵谷尚未遷，勵俗振古道。及茲誦惡
圓，劉侯同襟期。賡唱揮彩椽，湯叟或有知。騎鯨躡層淵，
彼哉賦君父。圓曲工求權，厲民恣屠斮。巧宦勤攀緣，安
得激七泉。布作化雨宣。

送綱齋李監丞赴湖南提舉

吏統久已紊，使選非易為。蝎虺何萋萋，鴻鴈何纍纍。持

節豈不多，曠職苟所私。緬懷紫陽翁，昔使東浙湄。陳臬
糾官邪，揚仁蘓民疲。茲道有後先，哲儒昭令規。綱齋寄
滿牧，邦懋灼帝知。勵廉肅察案，反稅驩御耆。所學蘊淵
道，寬嚴權理宜。茲總全楚境，敬此皇華詩。位穹民言邈，
壤廣吏蠹滋。問俗職所重，簡僚乃政基。視聽貴遠周，細
微在可遺。攬轡戒前路，豈為好爵縻。揆予忝英盼，懷德
念別離。別離為何念，康濟乃所期。懿茲遠大業，肇此咨
度時。勗哉振英采，慰我湘民思。

秋夜感懷

溽露沾漉莽華月流高是唵咲嘉此夜撫化悲蕭辰蕭
辰何所悲遊子多予苦道峻悞力謝業邊昌志理元鬢
日以變豐景將遂淪堪與一大宅羲娥為旅人卉木互
榮落蛩蟀何吟呻氣隨稚耄變理勝卸喜均反性樂天
爵測化葆道真撫卷慨徃哲芳猷範難親

雪磯叢彙卷之二

五言律詩

訪伯父幽居

對坐如禪舍，閑燒石乳香。
書看新講義，藥問未傳方。
僕語梅花裏，僧經竹葉傍。
題詩吾豈敢，牕戶半吟章。

桂林懷李景魏

陽華萬疊雲，無計得相尋。
所學皆時好，何人知爾心。
莎城百粵遠，雪嶠一翁吟。
已是懷人極，天寒奈水深。

桂林送人之瓊州招捕海寇

警家洲畔路別爾苦匆匆說劍令人喜耽吟與我同旌
旗楓鬼雨舟楫蠶薛風想到瓊峯頂題詩更紀功

與李盤翁知縣登七星山弔石道士

迭疑是嶂蟲空青魄竒共一尋苔荒碑意古若苦道情
深有興梯蒼壁無才詠玉簪吟仙何處去我輩復登臨

次韻史主簿雨夜見寄

水長許由溪春寒入竹扉幾人聽夜雨惟我怯單衣樹
掃青燈耿籬根白菊肥明朝有忙事推枕問漁磯

道中途老儒曰蜀出

丙穴魚應好曾經問釣磯干戈今未定城郭是耶非詩
社尊黃髮侯門薄布衣乾坤豺虎滿見爾一畝畝

時事

時事如顏屋誰堪任棟梁國貧僧牒賤邊病檄書忙有
分憂宗社無方出舉場未應王謝輩揮淚送斜陽

逃戶

租帖名猶在何人納稅錢燒侵無主墓地占沒官田邊
國干戈滿蠻州瘴癘偏不知攜老稚何處就豐年

登江華寒亭

到此脚跟酸，千峰迥不看。
年深碑字淺，日薄樹陰寒。
石罅巢蜂乳，籬根墮鳥殘。
愛吟還畏冷，不敢倚闌干。

訪表叔李竹齋

門庭接豆根，吟避市塵喧。
每愛詩無敵，應知學有源。
雲山供俎豆，筆硯長兒孫。
愧我相遇數，秋風酒一樽。

擬長沙訪姚雪蓬至永川返賦此為寄

今傍南軒住，應知理趣精。
通書多似易，論語不言誠。
擬欲聽微論，猶能慰別情。
江湖風浪隔，腸斷楚鴻聲。

雨夜讀陸放翁集

爐冷重吹火，山房夜黯然。
濕薪添艾熟，苦茗滯芋煎。
燈暗滿江雨，詩吟望澤煙。
老仙何處去，搔首吊塵編。

送黃天河

天河那可到，山頂翠參差。
邨屋煎黃蠟，官爐照疑是荔
枝地蠻遊宦少，縣小迂賓遲。
鼻祖曹吟處，荒苔想滿碑。

呈趙叔愚目理

問戶垂楊句，江湖半世看。
不應來五嶺，却自建孤壇。
浙社朋遊盡，鹿疑詩氣詠寒。
今朝流水調，只向子期彈。

夢訪劉湯塘魯雪巢二先生

前輩風流歆江湖欠賞音
向期行古道誰復識余心
月浸金壇冷雲歸玉筍深
瀟湘風雨夜客夢得相尋

青湘途廷對人歸因問時事

南客帝鄉歸青袍照綠髭
問知當世事解誦聖君詩
淮蜀軍書急襄樊邸報遲
空傳廷試策常布說邊陲

南林寺

律院僧應俗庭荒草木刪
無碑堪攷古有客自看山
行好惟嫌密雲多不自開
小溪知最近童浴夜方還

雪磯叢橐卷之三

春陵樂雷發聲遠

七言律詩

謁李梅亭

力拔鯨牙氣貫虹，玉堂歸只守文窮。
世無真魏扶吾道，人以乾淳望此翁。
大地精靈藏筆下，國家命脉寄山中。
緼袍羸駟崇仁路，正擬登門聽擊蒙。

代送徐侍郎赴召

大厦誰堪任棟梁，試留齋艦問行藏。
朝廷議論如春雨

吳蜀人材似夕陽三漸何曾投砭劑五寒今望起膏肓
擬看相業磨崖在却到浯溪話別觴

聽友人談蜀道事

石棧天梯蕩戰塵誰驅馬滿峨岷盡看烏犬為君子元次
山世誰問沙虫化小人尔智豈應強兀木蜀材正自欠
吳璘細吟猛虎長蛇句空對西風泪滿巾

送廣州劉叔治倅欽州兼守事

天涯亭畔擁提屏丹荔黃蕉滿出去疑是程皂蓋却迎新
別駕碧幢應憶老先生象蹄印雨歸蠻國鯨鬣掀潮撼

海城曾是御賢分守處試尋醉石共題名余靖韶州人曾守欽

逢熊季可

暮雲春樹飽相思今共秋風持白鬣北闕未知鸚鵡賦
南州空誦鷓鴣詩旗亭尚喜醉能飲客路誰知朔獨饑
賴有湘翁生計在且吟九辨擷江蘼

送李煥云赴茶城主簿

恭城山水接三湘應覺他鄉似故鄉宦况不妨棲枳棘
客程還見食梅柳寒暄未定宜加愛事業無窮要自強
千古忠貞如可問試吟風月激詩腸

寄李伯輝

石構峯下寄吟身靜掩柴樞琢楚珍蘋草青莎招隱士
暮雲春樹憶詩人門無車馬多嫌僻家有圖書不似貧
擬借大鵬揩老眼何時搏酒待相親

舜祠送桂林友人

西山分首舜山逢呼酒旗亭西鬢蓬客思且須論契濶
詩交應不計窮通兒曹富貴秋煙外前輩風流落葉中
明日吟船又何處渡江衣冷荻花風

送董炎震歸攸縣

千菊溪頭話別情君行我住兩伶俜山中有酒招元亮
石上無禾養百齡狼尾屋低苔漠漠龍鬚菜長水泠泠
攸縣有龍鬚菜故鄉語燕應堪聽莫放扁舟過洞庭

贈衡山侯霖

家住衡山茗塢深軒轅道士是知音
家尊酒好聊同醉石鼎詩難莫浪吟
雨外虺隤寒食路花邊格磔故鄉心
却懷世上揚雄少腸斷侯芭何處尋

送駱起謁襄帥廣西憲

知君無地種江蘿看了衡山看九疑
客路不堪還話別

侯門何處可題詩吟青羅帶行離岸唱白銅鞮過習池
呼酒試澆征馬足繡臺油幕有相知

題豫章宋德父游湘詩卷

醉呼仙叟共浮湘相載風煙滿錦囊名是當作浦雲山
兩起詩連沅芷澧蘭香好吟秋月招元結莫賦朝雲惱
楚襄英巨老仙今寂寞行人還解識珩璜德父到春陵即有詩吊魯
建景

常寧道中懷許介之

雨過池塘路未乾人家桑柘帶春寒野巫豎石為神像

稚子槎泥作藥丸柳下兩姝爭餉路花邊一犬吠征鞍
行吟不得東溪聽借硯却廬自寫看

題許介之譽文堂

瑞平丙申桂林伯尚書鍾公以遺逸薦東溪
先生許侯于朝越明年得旨補初品官衛州
戶掾其誥詞於始則有夙有譽處且爛文辭
之褒於終則有其以行義教於鄉里之勉州
里人士莫不榮之又明年許侯乃於東溪之
濱板堂五間以為講道著書之地仍摘天語

譽文二字以張其名敬上賜也掌成山齋先生為之記者詳矣當世之名卿大夫又為之賦詠者衆矣願侯二字非晚生小子何足言詩辱徵俚作不敢固以陋辭敬書二首以記

盛事併敘

聖天子始終褒勉之意庶得附姓名於不朽云
曾佐元戎洗綠林此翁何止擅詩聲久辭驃騎尋瓢飲
誰引鳴騶聒耦耕厚禮正羅溫處士浮名還汙阮先生
衡茅那識絲綸美尚擬升堂結社盟

姜夔劉過竟何依空向江湖老布衣造化忌名從古有
詩人得位似君稀聖朝自要求參朮吾道何應賤蕨薇
晚節黃花須愛護且教湘士挹芳菲

漁溪書院吊曾景建

太極樓頭霽月寒
斷絃綠綺不堪彈
曉前自長瀛溪草
澤畔還枯正則蘭
蒼野驂鳧惟我吊
馬臺詩案倩誰刊
傷心空有金陵集
留自江湖灑淚看

許介之以丞相周益公所書古樂府四篇見寄

敬題其後

紙上珊瑚間木難曾敵黃閣卸征鞍賞音今有玉園否
得句堪尋响嶮刊鸚鵡夜棲金屋冷的盧秋戟玉關寒
春風歸雁那知己寄與深宮絕塞看

讀繫年錄紹興八年以後事

妻敬金繒滿去翰便看雷雨潤遐陬諸賢自抗排雲議
宰相方深偃月謀湘國乍聞悲鵬鳥秣陵還聽唱符鳩
九原晏老今知否搔首青編恨未休

櫟欄吳大帝廟

赤壁濡須事已虛且依櫟欄醉芳壺九原尚擬吞銅雀

千載今惟記赤烏湘浦有人脩舊祀荊州無地展雄圖
定知所案英靈在門對祠前洗湛盧

昭陵渡馬伏波廟

功名要結後人知馬革草何妨死裏屍漢帝可能疑蕙苴
湘民却解薦江蘼紙錢撩亂玉分胙粉壁闌斑客寫詩
墮水沾鳶無處問灘頭斜照曬鸕鷀

訪蕭太山父子

仙桂靈椿各典刑飄飄姿韻激天鯨家傳八葉鹽梅種
詩接三蘇父子名四海畫將看縣譜一堂那與許文盟

塵埃不敢相親炙且汲渝溪濯客纓

謁張兵部時守臨江新除湖南倉

東皇太乙待新詩共喜新槎泝楚涯
父老盡時看鸞鷲使臣應不問狐狸
江頭芳杜催行色境內甘棠有去思
細讀詔書搔短鬢香卹識帝王師

蘇瑩中先往新淦過新喻訪之不過賦詩為寄

玉筍山前水拍空知君何處繫吟蓬
敢輕竒士題凡鳥謾有憂心詠草蟲
沆芷澧蘭猶可寄江雲浦樹若難同
門前景物一作草木皆詩卷獨倚簷簷嘯晚風

送蕭太山赴新興令

翡翠芙蓉去路荒許渾詩裏認封疆
昔聞古佛傳宗印今得吟仙縮縣章
魚婢蟹奴供俎豆馬人龍戶雜耕桑
澹翁應解知心事試汲寒泉薦辦香

訪菊花山人沈莊可

按莊可號菊山宜
春人曾為錢塘令

網盡珊瑚採盡珠只餐秋菊養詩臞
永嘉同社聲名在乾道遺民行輩孤
我恨朱門無食客君言青史有窮儒
饑寒正用昌吾道且對鈴岡共撫鬚

懷二蕭

未曾相見已相知
楚粵江山棟萼詩
每恨乾坤催我老
却於湖海識君遲
機雲才藻今無幾
管鮑襟期為向誰
靡靡亂山嘶瘦馬
碧雲日暮正相思

踈拙

越冠齊瑟事皆非
踈拙唯甘與世違
客路鶯花愁裏看
故人煙雨夢中歸
采薇有倫淮南靜
移粟無謀浙石饑
納納乾坤須俊傑
湘翁祇合製荷衣

陳東甫酒間舉作
歸心只有杜鵑知之句
猶未成篇因為續之

歸心只有杜鵑知
且倚裴亭共撚髭
客路秋風吹杜若
故園春雨老辛夷
陳君撫州人
家貧未辦間居賦
世濁空吟感寓詩
邂逅江湖還別去
岸花橋燕兩堪悲

贈別陳東甫呈鍾尚書

洞庭濯足共題詩
今聽驪駒話別離
泣玉可能悲下子
買金只合鑄鍾期
荷盤剪綠須棲鷺
空項分絲補接羅
斗酒羸肩聊自壯
古來騷客例寒饑

登潭州懷雪蓬姚使君

賈井裴亭編短笛
紅塵蹄騎又匆匆
我尋桂樹吟招隱

君對蓮花誦易通今日江山勞別夢他年燈火課新功
濂溪最念初平老恨聽連床話未終

下攝市

吟到湘潭一葉黃賈胡踪跡正悲涼抱琴沽酒異鄉客
打鼓發船何郡即楚女越商相雜沓淮鹽浙堵自低昂
塵埃市井無人識濯足江頭望八荒

雲峯寺

擬尋峭嶮看蟠螭且解青鞵濯禹溪吊古猶疑九枝柏
談禪且問一莖蘂虎抵崖拊供僧爨猿摸廊碑認客題

應接溪山無好句滿林空羨亂蟬嘶

到衡岳呈弟山長

問依禹柏繫征驄猿鳥應猶怪賤蹤正擬開雲訪韓愈
可能避雨識茅容朱陵洞裏秋呼鶴紫蓋峯前曉聽鐘
欲踏青霞尋勝趣倦游應許借吟筇

許介之館僕于東溪寺發贈別

洗耳泉頭漱晚涼西風衣袂水花香酒邊豪氣橫荆楚
燈下清談雜晉唐天地每窮真俊傑山林偏有好文章
試拈筆茹同君舞後夜聞鷄月滿床

下第歸後李白輝李景魏索近詩

吟徧吳頭楚尾春多慙才客問征塵振衣天日尋黃獨
濯足湘江詠白蘋宋玉已慙稱進士陳三何用作詩人
錦囊元屬君家有今買漁經理釣綸

題李湛漢詩集後

楚砧岷葛飽清遊金節銀菟照幾州詩句多如姚少監
行程還似杜參謀黃陵夜誦虞妃泣白帝春吟杜宇愁
擬問湛溪何處是夢隨閩國弄漁舟

寄雪蓬姚使君

湘鱗六六寄相思疎櫺新蟬想別時今夜各聽三楚鴈
秋風又老一年詩梅花且補離醪闕蕙苴應為史筆知

剪竹疑峯新製笛待衝霜月訪桓伊

使君時
寓衡陽

謁山齋先生易尚書

淳熙人物列嘉熙聽說山齋亦白髭文字盡傳融水後
精神如戰辟雍時靈椿終不字朝菌著草難堪養壽龜
細撚梅花看總義只應姬老是相知

送桂帥鍾尚書赴召

老依牙纛撚吟髭又折梅花話別思五嶺不遮鸞鳳詔

四方俱誦轉軫詩人才晉魏凋零後國事江淮控後時
賴有老臣經濟在快呼桂醕餞篙師

題鍾尚書北征詩稿

野雉江鷗滿故都秋風禾黍熬吟鬚六千里外驅旃旆
五十篇中見版圖金鉉尚期扶日御玉衡終令正天衢
書生亦有中原志那得君王丈二戈

呈廣西張提刑

陸續城邊按部歸梅花隨處撲征駢溪山有助吟題徧
獄市無冤訟牒稀竹屋呼猿眠碎月莎庭引鶴步斜暉

莫嫌瘴霧侵湘客滿路風霜冷象衣

罪言

愁殺瀟瀟蠖虱臣亂山斜照獨含情人才不似深衣古
國勢如何楮幣輕石燕未蘇湘國早木牛那濟蜀州兵
幸無杜老流離苦切莫吟詩到北征

閒居自遣

雨積桑樞長昔邗誰能載酒訪楊家漢庭用少臣今老
魯俗皆冠我獨矜憂國苦無蠲忿華看書喜對波朋花
哀顏嬾作江湖夢擬斲三椽養鬢華

許由溪上小屠蘇紅樹蒼山對一矐白髮功名惟劍在
青山活計併鍾無誰言荆楚多奇士却笑乾坤一腐儒
桐帽貂冠俱有分寄言兒輩莫揶揄

寄樓居朱漕

住近江心古寺邊幅中應伴浙僧閒官衙自管金陵觀
冠蓋多依鴈蕩山出處皆留青史看功名且逐白雲還
殷勤爲祝樓居月好照橫舟送碧灣

呈姚雪蓬使君

祝融應自勝崆峒且讀通書辨聖功事可語人甘受謗

詩能名世不嫌窮春邊採藥收湘芷月下調絃送楚鴻
賴有行人碑尚在棠陰依舊戀東風

雪蓬見示送趙東巖詩

皇華歆徹酒杯忙澤畔騷翁送范滂琴帶衝雲弦索潤
馬滄湘蕙纒絲香山中狸豹隨吟旆部內豺狼入按章
却笑詩寒吟骨聳愁看訓唱挾風霜

書蕭子岳集

向來陽陸共崢嶸吟到停邊趣轉精古似洞庭張雅樂
嚴如即墨歛殘兵箇陳終不肥方朔苦甘何堪病冉耕

細讀殘編搔白首未應造物忌詩名

滕王閣下賦

越舸蜀艫亂相俛風飽千帆帶雨開閣上鳴鸞今已往
江頭飛鷺只堪哀柳汀絮滿河豚賤桃塢花殘石首來
應接溪山吾不暇自憐白髮欠詩材

宿金灘

瀧吏崖翁是賞音江流泯泯對秋吟天蝦撲火帆檣晚
水狗捎魚島嶼深千里庭闌雲滿眼十年湖海鴈驚心
今宵客枕清如水穩讀西山夜氣箴

寄許外之

贏得詩名徧九州酒徒茶伴半公侯離騷甘隱魚鱗屋
樂府多傳鶴鵲樓醉葉幾窠藏菊徑蠹荷三畝護漁舟
中原應有樓蘭國空鏢吳鉤到白頭

閩邊報寄姚雪蓬

淮烽蜀燧照邊隅白髮憂時我腐儒楚客汀洲舉杜若
齊王沮澤索柴胡耽吟自愛南游好久謫曾謀北事無
擬對祝融捫蝨語何時重持使君賢

寄戴石屏

曾到元郎吟處吟雪蓬煙艇久相尋鳳鳴道國空詩句
鴈到衡峯只信音拾橡祠邊聽雨細何蘭院裏夜分衾
塞驢倘遂黃花約鴉嘴敲煙共掘參時石屏訪雪
蓬于衡陽

戊戌冬客僕客桂林雪中趙叔愚司理書張司業

逢賈島絕句為寄今冬對雪感而有作

朔風桂水浸瓊沙曾共駭翁理釣槎對客又吟端木句
疑論詩還憶款冬花饑能驅我瓶儲罄老不饒人鏡影
華擬喚扁舟尋剡叟嶺梅滿菊各天涯

寄仙巢先生鍾尚書

吹香亭上送飛鴻且把行藏寄蜀桐老境只須尋遠志
世途還要避沙蟲公行天地初何憾道在丘園固未窮
曾是棘門投卷客應憐聽雪卧落翦

寄蕭太山兄弟

梅花好處共心期曾擷天葩寄夢思兄弟自為千古計
江湖方誦二蕭詩貪泉定喜逢廉吏倭國何應拜老師
蕭穎士事勝擬尋君攀桂樹路途誰肯做驢騎蕭君見予有
梅花且補闕
之句為之擊節雖未相識黃
書二十首為寄故首句又之

送丁少卿自桂師移鎮西蜀

瓊海戍兵玉帳間，又移花艦滄溟灣。
三邊形勢全憑蜀，四路封疆半是山。
魏將舊聞侵劍閣，漢兵今欲卷函關。
時會有三細，願瑞霧論西事，想在元戎指畫間。

警家洲

竹塢松灣徧履痕，斷碑無首野苔昏。
江山應識前賢事，裴稱疑今存幾世孫。
島霧海霞留古意，春嶺秋鶴冷騷魂。
何人會得登臨意，閒嚼梅花伴酒樽。

慈民閣

崢嶸梵閣礙銀潢，且對畦衣問馬王。
落日斷霞連楚粵，

缺鍾壞像雜梁唐。英豪已往雄圖歇，
隸字猶存古意荒。惆悵石湖題柱在，
倚欄無句獨淒涼。

雉山寺宋永初中有僧西顯誦法華經于此白
雉聽之而化至唐黃梅五祖弟子喜登告祖乞
巡禮五祖應以遇雉即止後至此開山 本朝
王初寮有留題

蘇碑蘿石擁嵒高，獨倚筇枝問大槩。
白雉若無千歲種，有山空識六朝僧。
詩傳北岳刊新帖，禪接西淮冷舊燈。
擬鑿泓泓澆凍硯，楔亭閒借法華騰。

擬游長沙至零陵忽動歸興

擬尋禹柏過長沙且泊愚溪問酒家
歲早何能飛石燕
秋高還看落天蝦
乾坤納納催霜鬢
岐路悠悠又菊花
惆悵草黃宜無路
歸心依舊遠煙霞

袁家渴泊舟

往事誰能問水濱
停橈仍是薄西曛
樵漁空自存袁姓
鳧鴈何應識柳文
釣艇分燈歸客艇
嶺雲拖雨接溪雲
楫欄蘭芷今何在
空使行人誤舊聞

小槎袁家窠竹居買酒

江繞衡門接旅津
鯉魚風歇水粼粼
湘醅三盞澆吟思
滿碧十竿對老身
題壁未能行客醉
典琴不用主人貧
隔江誰棹高名麗
滿載鸕鷀捉錦鱗

餞雲壑唐使君赴邕州

菟筍竹畔擁雙旌
回首江籬隔楚汀
可向前賢參學問
且教遠俗識儀刑
安南兵息烽煙冷
羅殿馬來蠻草青
帳望鈴齋何處是
遙瞻朱雀認詩星

歸侍

石田茅屋野苔春
喜對庭闈話苦辛
客路本無如意事

瘴鄉惟有蚤回身且尋農耒耕湘雨待看天戈洗俗塵
門外黃旗邊餉急可堪杯酒各傷神

寄吳茂遠

蘇公地畔繫吟驢知在垂楊第幾株學校文章如畫餅
朝廷官爵似呼盧春吟應欠梅花在時事曾言楮幣無
惆悵湘湄分袂處今看細雨長蘼蕪

送史主簿之鄂就辟

囊中秋卷逼唐賢門外侯芭問太元才大豈堪栖枳棘
官清應只友蘭荃湘行又泛君山月淮績魯衝赤壁煙

擬借從君新句看試尋黃帽寄鋼船

宦途捷徑在三邊且駐吟船贈馬鞭壯士苦無橫草疑

槩志將軍還用撒花錢談兵猶未回燕帟蜀耗何應問

杜鵑今日送君無別話看隨卻轂洗狼煙

送邵介坡試湖南漕舉

槐花匝路促湘行關賦唐詩舊擅聲有志向曾言國事
論心何止在科名畢方夜燭杭都火大角秋纏蜀道兵
莫教鷹鷂場屋話琅玕滿腹正須呈

送李公浴疑是遊臨武

嶺梅滿菊兩闌情歲晚江湖載酒行客路欲依嚴挺子
瘴鄉已老少游兄瓦盃且話田家事肉食誰通鮑漢名
惆悵韓張亭畔路雪鞭風帽又東征

贈江華熊伯巖

堂萱萱柳伴吟哦黃綬仙翁鬢未皤對客不矜名第貴
論心惟在簡編多江頭魴鯉香晨膳境內鴟梟冷夜窠
湘國詩盟人寂寞衰頽猶喜識陰何謂陰鑑何遜也

江華送熊請父遊廣州時予有衡陽之役

邂逅陽華且酒壺海鵬銜鴈各征途聞身俱被饑寒役

老境還堪離別無鄉夢定應思款段客吟何川說媿隅
魯從仙叟參元訣好訪安期採澗蒲


喜李景魏就熊巖伯縣尉招

長歌白石草廬深今抱園絲就賞音溫飽不為兒輩計
行藏端見古人心鱸魚堂上春開帳鴻鵠灘前夜對衾
擬掛奚囊梅下聽謫仙應共隱仙吟

送友人之辰州覲省

路貼 鷲巢畔瘴雲依山徑如梯去馬遲正則自吟皇樹頌
廣微惟誦白華詩春風採葉桃花國落日尋碑蕙苾祠

覓得丹砂能寄否溪亭送客鬢毛衰



雪磯叢書卷之四

五言絕句

贈李伯輝京譜詩

邊寇將軍淚唐朝李邵家綠華雙荐者况復古今誇

七言絕句

詠史六首

高祖

逝駘走鹿各消磨劍外功臣刺幾多四皓兩生元不聽

故鄉枉費大風歌

陳勝吳廣

假號偷名只可憐
枉拋錢鏹弄戈鋌
擁頭燕雀應相笑
鴻鵠元來是項燕

韓信

愁看鐘室劈良弓
何不當時殺蒯通
今日真王成底事
只應娥媿是英雄

東方朔

蜥蜴盤邊解滑稽
且分社肉飽蛾眉
劉郎最怕秋風冷

那聽君言宮殿帷

司馬相如

狗監無端薦薄情
鶴裘犢鼻帝鄉塵
當時最有文君恨
不識長門買賦人

班固

請室冤魂叫不聞
神丘隆碣漫遺文
平生詞藻誰知己
腐鼠狐雛却悞君

汴堤柳

萬縷春風翠汴堤
錦騷何處柳空垂
流鶯應有兒孫在

問著隋朝總不知

讀李羣玉集

光順門前繫馬吟弘文館裏翠雲春
却憐白首河西尉枉作蓬萊獻賦人

捐玦江頭弄釣舟菊花杜若滿芳洲
如何才子無騷思只詠薔薇與石榴

與復古叔讀橫渠正蒙書

惆悵枯林與畔盤雲橫太白夢魂安
半生驕吝如蝸縮自把西銘反覆看

誰掘驪山起老師竹林燈火共心期
年來後學輕前輩看徹羣比罷講時

題楊從行湘詩卷楊即誠齋

仙雲寒鎖碧瑤天突兀吟壇北斗邊
試問鳳凰誰得隨竹林聽雪對床眠
叫雲吹玉笋祠邊醉嚼瓊糜漱石泉
舊讀離騷今忘却快披秋卷嗅蘭荃

次韻熊雲瀑秋夜見寄

吟落秋牕燭焰紅想彈九弄入絲桐
荃蘅豈不如葵菽

誰繼幽人補楚風

無題

天曩疑褒衣走浙淮何人不識鶴山來只今心印誰傳
得自摺通書撥篆灰

撫州偶題

金柅亭邊柳拂城春風繫馬酒家吟塵埃滿面無人識
却得黃鸝作賞音

萍御病渴

犬子無從典驕驄荒却忍渴望滿湘楚王萍實想如蜜

不許詩人取次嘗

甲午社日客桂林

卮酒豚蹄客裏歡石尤風緊奈衣單東陽病骨如鸚鵡
最怯南州社日寒

桂林歲晚憶鍾尚書

塵滿湘翁薜荔衣江湘歲鬢晚成絲桂州楊五今何處
雪片梅花枉費詩

醉中偶成

醉敲茶臼嘯秋煙苦欠高陽買酒錢擬入亂山餐柏葉

石林閑對麝香眠

送友人遊昭川呈陳謙之僉判

閩仙去補荔支譜梅谷歸呈飛鷺秋惟有瓜瓞共君在
馬蹄何苦又昭州

道御牽損袞龍衣謫墮天涯詠楚蘿莫放蹇驢游別處
拾青閣下有殘碑

鵬運堂前話別愁落籍三度楚江秋近懷莫向元龍道
問舍求田是頭

夏日偶書

螺羸銜蕪入破牕枕書一椀竹方牀家童偶見草頭字
誤認離騷是藥方

秋日行邨路

兒童籬落帶斜陽豆莢薑芽社內香一路稻花誰是主
紅蜻蜓伴綠螳螂

新塗偶成

飛飛絲鳳掛梅梢猶記來時雪擁袍今日歸舟新塗路
回頭稚子賣櫻桃

贈吳李詩

燕子樓頭春色深
曾騎驕馬擲黃金
如今世事漫頭雪
破屋孤燈忍凍吟

演教寺吊樓居朱漕

羅帶江頭蛻繡衣
人歸香草謝家池
祇今玉樹埋何處
惆悵僧房認得詩
穿塚難辭地下知
逢人多說項斯詩
今朝痛灑西州淚
萬里梅花欲放時

延真道院

滄流翠竹接仙局
霧縈丹札拱上真
擬就元翁分半榻

閑聽秋雨守庚申

訪趙愚齋不遇
謁者云抵晚方歸
因成一絕奉寄

雪片梅花滿硯池
芙蓉幕裏客歸遲
今朝解了公家事

儘聽轅門報酉時

愚齋舊有詩云無曾庭日真堪愧又聽轅門報酉時

史主簿以授菴習豪見示敬題其後并寄張宗

瑞

姜夔荒塚白蘋深
鶯鶯無聲結綠沈
擬向鄱陽尋後杜
只括張容聽君吟

冷了南樓到庫樓寒雲邊月因雕鏤只今南北無詩禁
曾有新編轉過不

術士醴陵丁夢營疑是榮或將之春陵有贈

看盡槐花買卜人眾尊且認舊碑文只今世上無清惠
却恐元郎解識君

涑水池邊舊釣磯何時歸去濯征衣千年城郭應無恙
祇怕風塵老令威

送歐陽平仲起鬱林教官

快把詩書洗瘴茅雕題墨齒盡同胞天涯那得隨衿佩

試借叔堂講義鈔

古來節嬾比忠臣昭悵明珠一窖塵千古綱常君記取
題詩煩問墜樓人

萍卿和王克章韻

征衲無人補舊綿蕭條客枕楚萍邊撥殘石炭西牕冷
却憶山家榻拙煙

趙司法詩集自題近道蓋取工部所貽元德居

詩中語也

道書二絕

和編陶翁飲酒詩醉籠天地入鷓夷細看官爵成何物
肯帶奚囊過九疑
浣花駭伯香難成世上寧無元隱居讀罷君詩三歎息
斷絃綠綺定何如

聽廬山胡道士彈離騷

廬山道士玉潭仙前世滄浪握楚筌莫道離騷遺響絕
孤鈞寡珥尚能傳
五湘誰解薦江蘼忠憤冷冷寫七絲愁絕九疑山下聽
重華應許就徵詞

題王克章佇香亭

蕭記蜀錦照深衣盡日憑欄課楚詞要識此花香絕處
露涼風細雨晴時

對花味道興何長好學顏家到坐忘莫與紅塵兒輩道
心清正自得真香

故蘭荷屋傍瀛溪若愛蓮花入夢思今日題詩還自笑
江湖塵土鬢成絲

題昭州田廷亮書院後

松楸口裏吐參苓折檻無門九虎深家在道鄉亭畔住

定應千古有知音

少海無波鶴禁虛滿朝
荆 蒼曹掾白袍烏帽和
平外 却有山人請建儲

次韻熊雲瀑秋夜見寄

叫徹蒼梧望八荒
暮雲秋客各淒涼
此情未許傍人會
愁絕中庭月一方